


Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5703/A







Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5703/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5703/A



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5703/A






ERYCI PVTEANI  
BRVMA:  
CHIMONOPAEGNION,  
De Laudibus  
HIEMIS,  
*Vt ea potissimum apud Belgas.*  
Accedunt  
ANDR. VALERI  
BREVES NOTAE,

*Imaginibus  
Raph. Sadeleri  
Illustratae.*

MONACI,  
CIS IDC XIX.









VIRO NOBILI

DAVIDI FLORITIO,

CORIQUEBOURG-TRIGAVITO,

BARONI DE VIOLES

VARRYCIUS PVTEANVS

BRVMAM D. C. Q.



N frigore æstum esse,  
 Vir Nobilis & Clarissi-  
 me, ipsi vel Scythæ sci-  
 unt; animotalent, cæ-  
 supique injuriam agendo vincunt. At-  
 que ego FLORIBVS nuper tuis, illis  
 nunquam CASTIS ad carmen incalue-  
 ram, cum adulta jam Hiems esset;  
 eodemque mox impetu universam  
 describere BRVMAM, & CHIMONO-  
 RÆGNIO amœnus esse conatus sum.  
 Veris quidem, Æstatis, Autumnique

A 2 • Enco-



Encomia à viris olim, ac nuper do-  
ctis adornata: qui ad Gelu Musarum  
deduceret, prorsusque faceret Hi-  
males, nemo adhuc, quod sciam  
existit. Neglectam igitur parten-  
& velut repudiatam suscepi, illarum  
quotidianis mortalium querelis de-  
risque obnoxiam. Simplici (& a-  
frigido) poematio, non homini gra-  
vem esse Brumam, sed hominem  
Brumæ, adumbrare aggressus sum.  
Sitamen frigido, excusa: sic indica-  
ri potuit, quod fortassis non satis  
aptè scribi. Verum enim verò, ita se-  
res habet. Postquam liberalitas Se-  
renissimi Principis mei ALBERTI  
Arcem Lovanientem, mecum esse  
Parnassum voluit, è colle tam amoe-  
no, & domicilio tam augusto despi-  
cere, quicquid cæli rigor peccaret  
quivi, ac propemodum ignorare.  
Itaque dedi tempori, quod loco de-  
bebã, BRUMAMQUE velut benignam  
celebravi.



celebravi. Et cur in Poëta reprehendas, quod nemo unquam pictoti video vertit? Hic annum, annique pariter promiscuè imitatur, tantùmque coloribus audet, ut in ipsis tabulis nunc frigus, nunc calorem, nunc mixtam ex his temperiem exprimat. Cùm omnia nive candida sunt. tamen umbram invenit; cùm vernant omnia, etiam odores percipit; cùm calent omnia, ignem quoque penicillo accendit; plena denique maturitas sic exhibetur, ut decerpere velis & esse, quæ in æmulationem naturæ ingeniosa manus produxit. Inspice hæc miracula, & negabis quicquam pulchrius Hieme esse: nihil suavius, quàm in sterilitate amœnitatem, in senio florem, in frigore delicias invenire. Ad hunc fortassis modum, cùm aliorum de aliis anni Horis versus leges, in meis Hiemem amabis. Hiemem, sed ne-

A 3 cessariam



cessariam, negotiosam, salubrem,  
utilem, formosam, lætam, atque  
Genialem. Quod reliquum est, tam  
hic benignus, Clarissime FLORIT  
eris, quàm doctus, ingeniosus, f  
cundus es: & qui optimum scribere  
soles carmen, malum excusabis: qu  
universum nobis annum Musarum  
coloribus potes depingere, aliqui  
in Hieme non diductum feres? E  
quidni dicam? familiarem velide  
quoque Apollinem habes, quia fili  
um ejus Æsculapium tam felicite  
colis. Prorsus, magnum te Hygiæ  
Myrtam esse, etiam liberius omne  
prædicant; quia egregius esse Poëta  
potuisti: magnum Themidis; quia  
litterarum peritiam Suadámque tibi  
bi vindicare. Hygiæ (nam suave est  
tepetere,) & sic Magnis Principibus  
AVRAICO & CONDÆO, quod optima  
mum est in vitâ humanâ, toties red  
dis; Themidis, & sic consiliis quoque

tuis



quis Magnorum fortunam tempe-  
ras; sed bonis, sed prudentibus, sed  
virtute & doctrinâ tuâ dignis. Vide  
nunc igitur hanc BRVMAM, & qui ni-  
hil in pectore habes frigoris, amoris  
mei ignem ama. Tanquam non ri-  
geat Hiems, mihi descripta est: cali-  
dam esse affectus tuus  
ostendet.





## VIRGILIVS

## LIBRO I. GEORGICORVM

Ad Argumentum

## CHIMONOPÆGNI

velut præt.

**F**Rigoribus parto agricola plerumq; fru-  
untur,

Mutuâque inter se lati convivium curant.

Invitat Genialis Hiems curasq; resolvit

Ceu pressæ cum jam portum tetigere carina

Puppibus & lati nauta imposuere coronas

Sed tamen & quernas glandes tunc strin-

gere tempus,

Et lauri baccas oleamq; cruentâq; myrta.

Tunc gruibus pedicas, & retia ponere cervis

Auritosq; sequi lepores: tum figere damas


Stupea torquentem Balearis verbera fûda,

Cum nix alta jacet, glaciem cum flumina

trudunt.

CHIMO-





*Sic ludunt gelidae lasciua negotia Brumæ;  
Nam leui in glacie non decet esse grauem.*



CHIMON

Angu  
Cedi H

der p p p p p  
gelida regina  
ante fagus, nifi  
tridem mides  
humana  
delitit, niver  
Hac mibi dicitur  
quid Phoebe p  
Eandem pater  
Incipiam: mag  
Carmine mudi  
Aeternum la  
Et quoniam de  
Quoniam habet  
Humana  
Densu per p  
Autumna  
Quicquid est  
Sed Deus ait  
Cederet, at  
Solu iter va



## CHIMONOPÆGNION.



Anguida, FLORITI celo pugnātibns

Austris

Cedit HIEMS, lentāsque eiens in prae-  
lia vires,

Adverso positas quærit sub cardine gentes,

Et gelidâ regione Lares, à Sole relictos.

Sponte fugit, nostris nimium lassata querelis,

Qui tristem molles, pigram, generique sinistram

Dicimus humano; immemores quo munere terrarū

Exhilarat, niveoque sinu quæ gaudia fundat.

Hæc mihi dicturo, facilem largire favorem,

Si quid Phœbe potes: si duri tela rigoris

Paulisper pateris, blando exardescere verso

Incipiam: magnūsq; tuum FLORITIVS annū

Carminē nobiliore canet. FLORITIVS ille,

Ætas quem loquitur præsens, quem sera loquetur,

Et quotquot venient laudato frigore Brumæ.

Omnis habet, fateor, terras quo torqueat annus,

Humanūmq; genus: nihil omni parte serenum est.

Densis Ver pluvius, sævisque caloribus Aestas,

Autumnus morbis mundum pallentibus urget.

Quicquid Hiems peccat, minus est: incōmoda pensat.

Sed Deus æternus, vasti cū tempora mundi

Conderet, atque suo vellet res ordine volvi,

Solis iter varium, cōstūmq; equalibus annū

Eriget



Exegit spatium; in se ut Natura redires  
 Sapius, utque suos repararet Phœbus honores,  
 Deficiens nascensq; sibi, calidamq; pererrans,  
 Nunc puer intonsus, vernaq; simul pater auræ,  
 Nunc juvenis flammâq; potens, nunc luce virili  
 Maturus, tandemque senex, lassusque labore  
 Concedens Hiemi, gelidâ perstrictus ab aurâ.  
 Canem veneror: nuncis formosa capillis  
 Tollit Bruma caput, rerum grandæva potestas,  
 Pax anni, unde olim Pacalia festa Quirini,  
 Temporis auspicium felix, eadēque senectus:  
 Quâ, velut emenso spatio, natura quiescit,  
 Frigore tunc volucres, lentitunc frigore stertunt  
 Agri, tunc querula cessant convulsa ranæ;  
 Desertis que Ceres migravit in horrea glebis.  
 Picta jacet nivibus terra, & suspendit aratrum  
 Palo ruricola emeritum; jumenta quiescunt.  
 Est igitur; dum rura coli concreta recusant,  
 Et læta & genialis Hiems, Hiemisque voluptas:  
 Ut totum impendat, totum sibi vindicat annum.  
 Tunc suave aucupium Faunus, suavesque Diana  
 Suggerit insidias, & cani prælia ruris:  
 Tunc sapit & piscis concretâ captus in unda:  
 Tunc juvat exstructa dapibus discumbere mensa:  
 Tunc juvat & gelidi spumantia pocula Bacchi  
 Circumferre manu, madidâque catescere flammâ.  
 Nec veteres abeunt, Effuso Agnalia Circo,  
 Saturnique



turnique dies, & laeta Charistia fastis  
ruma dedit Latinis, fortunatasque Kalendas.  
Stleta & genialis Hiems, Hiemisque voluptas.  
Sectamen ignava est: urbemque scholamq; fatigas  
rigida sedulitas. Ceu nesciat otia Musa,  
Sulchris in vigilat rebus: sic numine dextro,  
sens animusque vigent, curis melioribus apti,  
studus; facilesque fluunt Permeßidos undæ.  
Mercurius Pallásque, meæ tutela PALÆSTRÆ,  
umunt frigoribus vires, doctique Lycei  
par sam nobilitant famam. Quid singula narro?  
Et quid nota sequor? Requietas colligit artes  
Bruma nova, extremū gelido Autumnū pede calcās  
Auræ reliquias calidæ. Tunc pulchra juvenus  
Indique concurrit, doctos haustura liquores  
Musarum, & Sophiæ; doctos haustura liquores  
Naturæ, Themidisque bonæ. Velut agmine factò,  
Sauromata veniunt, veniunt Dacique Scythæq;  
MENTIS amore BONÆ succensi frigora quarūt,  
Queis caleant: veniunt jam culto ex orbe Britanni,  
Hispani, Ausonii, Galli, Germania multa,  
Atque mei veniunt gaudentes Marte Gugerii.  
Et veniunt, cum sævit hiems, cum pulpita fervent;  
Frigore quæ fervent medio, frigentque calore.  
Ergo cum premit alta domos nix, atque pruinis  
Horrescunt silvæ, eximiâ pietate Magistri  
Grandia presenti subsellia numine scandunt,  
Gymnasiique litant Genio: pia dogmata Patrum



Virtutesq; frequens juvenumq; virumq; caterva  
 Excipit. Ipse Deus loquitur, quid frigora possint?  
 Sed clari Themidos Mysta pro more Latinas  
 Auribus instillant leges, quæis publica constat  
 Res hominum, quæis, lute procul, privata quiescat.  
 Agmine tum solito Medicorum confluit ordo,  
 Nec patitur steriles Asclepi arescere laurus.  
 Quin ubi nunc passim suspensio membra theatro  
 Corporis humani enodat, ferroque perito  
 Persequitur sector venas Chirurgus & exta  
 Inspicit (ars multum Grudiis optanda cathedris;)  
 Sola tibi gelidæ capiuntur tempora Brumæ.  
 Hos fidus sequitur cæli, terræq; marisque  
 Mensor & interpret, qui docta voce Matthesin  
 Explicat, & facilem radio percurrit arenam.  
 Ad Sophia tandem florentem prælia pubem  
 Virgo Minerva vocat: pugnant, frontemque pudicæ  
 Ornati lauro, studiorum præmia libant.  
 Sed cum ferventi mortales Sirius igne  
 Conficit, atque Ceres maturis languet aristis,  
 Labitur in partes varias jam lassæ juvenus;  
 Limine Gymnasium clauso silet; omnia fringent.  
 In mediis etiam nivibus, Brumæq; rigore  
 Sudorem gnava inveniunt opera, calet omnis  
 Artificum fervetque domus: quin sanctior implet  
 Tempa Deum pietas; sunt pulvinaria plura:  
 Major Religio, fastis sollennia Festa.

Iurgia



ia solliciti adde fori: tunc plurimus ardor  
 idit causas, tunc & calidam locat iram  
 icrepus, rabidâque incendit praelia lite.  
 elia, sed damnanda tamen, si plena vetusti  
 jestas juris vigeat, probitasque fidesque;  
 ere si paucis, quam disceptare velimus  
 ibus innumeris, & avaritiæ velut armis.  
 volumus, veterique novos molimur ab ævo  
 res, & solâ gelidi virtute calemus.  
 go Astræa redit; nec jam fastidit inertes  
 vacuas scelerum in terris Hiemes: riget ipsa,  
 tis inconcussa suis, & pondere justis.  
 quia jam gelidos Musæ calor incutit artus,  
 m patiar reliquas Hiemis frigescere laudes.  
 rporc quid melius sano? hoc tibi Bruma serena,  
 oc boreasque bonum, gelidus largitur & æther.  
 efæcata nitet tellus, quia frigida: squallet  
 ur vie, & fædam exhalat calfacta mephitin.  
 lle gelida Austros Hiemi, Boreâq; calorem,  
 e Iovis Hiberni sepeat violentia; totum  
 quot morbi erucient annum? quo Parca furore  
 eviat! heu, densi pereant juvenesque senesque,  
 nec spatiosa sinu capiat tot fœdera tellus.  
 omnia tabescant, rerumque elementa recusent  
 Natura imperium, & fatalem fœdera legem.  
 rigore stat magnus, stat parvus frigore mundus  
 is viget, & corpus, valideq; in corpore vires.

Quid



Quid? vitā dat Bruma homini. dat Bruma salutem.  
 Inspice natura reliquum: tenet omnia Bruma.  
 Sol radiis parcat: siccatur frigore tellus,  
 Post imbres pluviāsque putres mundantur, & omnia  
 Exsudant campi vitium, ceu frigore adusti.  
 Frigore stant fluvii: sed postquam induruit unda,  
 Per via sic plaustris, celerem modo passa carinam.  
 Aeterno densata gelu stant culmina mundi,  
 Sidereosque gerunt ignes, glaciēque revolunt.  
 Arderet caelum, rutilas nisi frigore flammās,  
 Ceu freno premeret. Iovis haec est magna potestas.  
 Iupiter est gelidus: lasas tamen igne medullas  
 Extinguit Venere, & mox alget. Frigore numen  
 Servat, prostituit numen violatque calore.  
 Sic quoties celeri jaculatur flumina dextra,  
 Ultrici indulgens ira, vim frigore sumit.  
 Sol quoque tunc propior lucet, licet orbe remotus  
 Obliquo, insinuet lentos radios, face terram  
 Mansueta feriens. Nil jam vicinia ladit.  
 Libratur geminus glaciali sidere vertex  
 Aetherei mundi: fines telluris & unda  
 Claudat Hyperboreos concretus frigore Pontus.  
 Omnibus in rebus Brumam, frigusque gelique,  
 Natura invenies nexum: sine frigore cuncta  
 Dissilient, primumque chaos morientia reddant.  
 Frigore nos ipsi mortales, frigore vitam  
 Extrahimus, pressoque foras emittimus ore

Pectoris



Toris impulsus frigus, spirante susurro,  
 eris impulsus frigus, spirante susurro.  
 lnerat acre gelu: sed strata funera silvæ  
 solvunt Hiemem; collucent igne Penates.  
 lopus est calo; spirant penetralia Phæbum,  
 parvo ferri Vulcanus carcere clausus,  
 entas transfundit vires, & mollia Veris  
 mpora constituit. Sic auram industria vincit;  
 tepesfacta fovent conclusum hypocausta vapores  
 rato sufficit. membris riguisse suave est,  
 rursum caleas: non est jucundior æstas.  
 An sterilis Bruma est? sed fœti temporis auram  
 nducit. Sterilis? sed gignit. Frigoris arte  
 ulchrum prodigium constat: crystalla gelantur,  
 uccineusq; liquor: flavam dant frigora gemmas.  
 Est glacies gemma; e glacie sibi mollis adoptat  
 Luxuries cyathos, nec terrent frigora Bacchum.  
 Pulchrior & glacies vitro est; vincitque lapillos  
 Eoos niveo dependens stiria tecto.  
 pse adamas glacies. omnique potentior igne est,  
 Aut glacies adamas: melior, quia frigore mollis,  
 Sexu, non genio: alter enim mas, alter Virgo est.  
 Damna recensemus Brumæ: quis commodat nemo.  
 Pigræ dicit iners, tristem querulus; sibi quisque  
 Quod culpet fingit. Non crescunt vina? bibuntur.  
 Non matura tibi Pomona sub arbore ludit?  
 Estur. Non tibi flava Ceres turgescit in arvis?

B

Herres



Horrea condecorat, mundatur, & arte subacta  
 Fit cibus. & laeta celebratur gloria mense.  
 Non Zephyrus depingit humū? tamen aurea Flora  
 In pictis ludit tabulis, luditque tapetis,  
 Et superis Natura plagis velut aurea Flora est,  
 Cum vario hibernum conspergit sidere calum.  
 Namque polo lucent caelestes sidera flores,  
 Et vincunt vernos caelestia sidera flores.  
 Claudit Hiems pelagū? sed & improba vota coërcet.  
 Merx aliena deest? quid tum? lascivia cessat.  
 Attamen hibernis Pontum violare carinis,  
 Grande nefas quondam: ferrum nos duximus a vo  
 A nostro duri & chalybem, nullāque timemus  
 In pelago Brumam, nullos in gurgite fluctus.  
 Aër quid læsus faciat? superavimus astra:  
 Tempora quid faciant? totum confudimus annum.  
 Omne jacet magnis ventosi puppibus aquor  
 Oceani domitum, & rostrato sternitur are  
 Spumæa Neptuni rabies; maris otia fœdunt  
 Pellit avaritia crimen: mors temnitur ipsa,  
 Horridus insurgat Nereus cum gente marina,  
 Caruleūque fretum nimbosus turbet Orion;  
 Ver agimus, fragilēque ratem stridentibus undis  
 Objicimus, tanto nil moti turbine ponti.  
 Infractō minus est animo quodcumque timetur.  
 Ut nostras alienum Hiemes ducamus in orbem,  
 Instrictum Oceano nullum est; nec Bruma quiescit.  
 Delicias



delicias dicam: blandum dant frigora luxum.  
Lorum gramineam ferventibus urget habenis  
Ilurem, in pretio Bruma est, atque ære paratur.  
Igitur tum multo inficimus vinumque dapésque  
Querimur nimio languescere corpora Phœbo.  
Vocula nulla placent, duro nisi cincta rigore  
Difficilis, nec non alieno tempore Bruma.  
Perverso petimus fugitiva gaudia vite  
Mortales studio: matris vocésque vicesque  
Naturæ violare bonas, sibi ducit honori,  
Quisquis deliciis immersus agit, miserósque  
Præcipitat sine lege dies, sine mente juventam.  
Bacchus amat gelidas concreto frigore Nymphas,  
Nec calet absque gelu: madidis defossa hypogæis  
Nix glaciésque jacet; moritura, in luminis auram  
Promitur hostilem, & stillat: sic rore liquente  
Obsesti calices, hilarant convivia: lances  
Et patinæ Brumamq; ferunt Hiememq; ministrant.  
In vinum glacie ardescunt animi, nive flammam  
Concipiunt roseam: multa glaciéque geluque  
Mensarum ridet Genius: Sic frangitur æstas,  
Et dulcis reparatur Hiems, Hiemisque voluptas.  
Sed quoties ex Arce mea (atque meam meus esse  
Princeps ille bonus voluit) camposque domósque  
Vrbis formosæ. & canâ gravidos nive colles  
Contemplor, glaciéque pigrum cum fratre minore  
Vicinoque Furâ Diliam, qui stagnat in arva;



Hei mihi, quàm recreor! Sic possum Veris amantem  
 Spernere delicias: non est formosior annus.  
 Una placet facies Hiemis, Hiemisque voluptas.  
 Quid nive candidius? tam pulchro splendet amictu.  
 Et lascivit Hiems: acris; sed amoribus apta:  
 Cana quidem; lepidis tamen exoptata puellis.  
 Quæ niveum forma pretium, spumæq; colorem  
 Quærunt, & Veneris cupiunt albescere vultu.  
 Nix Venus est, divina Venus, sed frigida celo;  
 Quæ casti tutela tori, tutela pudoris,  
 Candida conjungit genialis fœdera lecti.  
 E spumâ Venus est, Aphrodite, mater amorum.  
 Aëris & celi nix spuma est: frigidus alio  
 Cum ningit, madidam despumat Iupiter iram.  
 Despumat, glaciemque poli demittit in alvum  
 Telluris gremium, dulciq; in sede quiescit.  
 An nive quid levius? sparsi sunt æthere flocci,  
 Plumæus estq; vapor; sed plumbum pondere vincit:  
 Incubat hæc quoties domibus vis, tecta fatiscunt.  
 Mollius an quicquam? sed duri marmoris omne  
 Ludunt ingenium facili formata labore  
 E nive signa, hominum, Heroûmq; deûmq; colossi.  
 Et ceræ ingenium ludunt: nam Sole liquecunt.  
 Omnia frigus habet: calidos sic ludit amores  
 Frigore septa Venus, Brumâque incendit amore.  
 Ad dominæ limen risus lenesque susurri  
 Horâ compositâ repetuntur; gaudia gliscunt.

Quos



Quos glacies lusus, & quæ spectacula donat!  
 Hos iuvat Oebali jaculari pondera disci,  
 E glacie moles: illos propellere Gracum  
 Orbe trochum. Exercent alios ferulaq, pilaq,  
 Malleus & teretis plumbo so robore clava.  
 Hi cursu insolito faciles, soleasque secante  
 Suppacti ferro, per marmoreos pede campos  
 Pegaseo volitant: istas, jam non celer, alas,  
 Talia Atlantiades cupiat talaria, Belgæ,  
 Ingenio cedens, ferrato munera divum  
 Aurea concedens ligno. Namque ulmea rostrum  
 Baxeæ procurvo erigitur, geminumque carinam  
 Conjungit mediâ latus, & compagine fixi  
 Libratur ferri. Concretum acies arat æquor  
 Obliqua; ut vomis glebam, grave robur aratri.  
 Sed digitos, mediumque pedem, calcemq, recurrens  
 Constringit lorum, plantisque immobile lignum  
 Affigit. Pueri passim pueraq, gelatos  
 His fluviis carpiunt soleis, ferroque vehuntur:  
 Et rectos cum posse neges consistere membris,  
 Aut proferre pedem, currunt, glaciemq, patentem  
 Remigio alterno superant, neq, crure fatiscunt.  
 Non sic effusis sonipes festinat habenis,  
 Atq, gradu præceps glomerat, cum pulvere certat:  
 Non rapidi citius venti, celerésve sagittæ,  
 Aut liquidum volucres diffindunt aëra pennis.  
 Quid magis oblectet? Curvis pars magna feruntur



Lintribus & geminâ nitentes cuspide gressum  
 Accelerant. Stimulata suo sic machina ferro  
 Dirigitur, finditque viam, & vestigia linquit.  
 Mirantur Superi, veniunt è rupibus uda  
 Visum Nereides tanta hæc miracula rerum.  
 Et timet Oceano (longæ sufrigora Brumæ  
 Hunc quoq; congelcient) salis Neptunus ab undis  
 Sed quia lintre scapham pueri juvenesq; biremem  
 Fingunt, & teneros nimium labor occupat artus;  
 Vota alij remis sociant, calûmque laceffunt.  
 Et ventis animent cursum, vaga carbasâ tendunt  
 Et plauastro dubites volitent, celerine carinâ;  
 Terrâ, an aquâ; an suspensa feratur in aëre pennis  
 Machina. Quid reliquû est? homini mox arte nega.  
 Aethereum carpemus iter, calûmq; petemus. (t.  
 Ludicra sic Belgæ diviso prælia catu  
 Instituunt, regesque creant, pugnantq; sedentes,  
 Productis pedibus: furor & violentia in istis.  
 Victor agit, validum curru qui depulit hostem.  
 Victor agit; sed quâ pugnavit lintre, triumphat.  
 Hi glaciem oppugnant, & duræ vulnera crustæ  
 Infigunt, manâtque liquor; gelidi unda cruoris  
 Effluit, & stagnat. Latræm sic viscera clausi  
 Gurgitis ejiciunt: ut quondam læsus equino  
 Mons pede fudit aquas, Musis & Apolline clarus.  
 Exsiliunt glacie fontes, fontesque bibuntur:  
 Nam sitis in glacie est, calidusque in frigore sudor.



In glacie est Phæbus; nascuntur frigore versus:  
Inq; meo Phæbo fortassis frigida vena est.  
Frigida, sed laudanda tamen, si Bruma placebit.  
Altis è nivibus nonnulli mœnia condunt:  
Pro quibus & pugnant: dicas sine frigore frigus,  
Castrorum speciem pelles fixæq; tabernæ,  
Et structi faciunt ignes. Miraçula rursus:  
Ignes in glacie? & lucent. Si dicere fas est,  
In lûsum veniunt veteris tentoria belli,  
Et Mars ipse venit; non Mars tamen ille cruentus,  
In nostras Hiemes qui longo sævit igne;  
Sed lenis, glaciçque rigens, canaq; pruina  
Hispidus, & quæ nemo timet; quæ schemate pugna  
Urbibus in totis pueri, mistaq; puella  
Ludentes referunt. Iocus est & frigore fervet.  
In globulos coguntque nivem, jactûque minantur  
Vulnera, non faciunt; feriunt, feriuntur, & omnes  
Illesi tandem sua risu prœlia solvunt.  
Illesi, & madidi; non sanguine, sed nive multa.  
Omnia quid refero? quid læta munera pompa,  
Prisci delicias Circi, distincta colore  
Agmina? sunt Albi, Prasini, Rubei, Venetique.  
Sic anni partes, sic ipsa exordia mundi  
Quatuor, una tenet variatis Bruma figuris:  
Luditur & totus tibi mundus, luditur annus,  
Attamen hic quoq; pompa viget, pretiosa voluptas.  
Fictus mentitur trabea Lyciæque Chimæram



Bellerophon, Sphingémq; novam, formosa ferarum  
 Monstra: ferit glaciem niveis hîc Pegasus alis.  
 Desino jam nimia est, nec duratura voluptas.  
 Desino, Bruma fugit: tepidis nix solvitur Austris  
 Solvitur omne gelu. Quis calo pugnet iniquo?  
 Vim parat infestis vector Nephelēidos Helles  
 Cornibus: & Taurus, valida qui fronte minatur.  
 Vim parat & Zephyrus. Borea mollissimus hostis;  
 Agmina sed numerosa trahens, densasq; phalanges  
 Vesparum & culicum. Levioꝛe proboscide Muscae  
 Auspiciuꝛ belli faciunt, gens sanguine cassa;  
 Sanguinis at sitiens, nullis arcenda flagellis.  
 Bruma fuge: ast ubi languidior converterit annuꝛ  
 Hora novuꝛ, tuuꝛ Bruma redi, tua sceptrâ capeſſe  
 Noſtra tibi regio, noſter tibi ſerviet axis.

ANDREA



29  
ANDREÆ VALERII

IN

ERYCI PVTEANI

CHIMONOPÆGNION

BREVES NOTÆ.

Poëmatii hujus *Παγεαφν*  
CHIMONOPÆGNION.



*U*trum Hiemis ] dixeris : quam me-  
dius frigoribus Auctor scripsit.  
Poëtarum autem labor velut lu-  
sus quidam, præsertim in re non

seria, sæpè etiam in seria, Hinc *Ludere & Ca-  
nere* familiare Poëtis. Ovid. iv. de Ponto  
Eleg. viii.

*Nam modò bella geris, numeris quoq; bella coërces.  
Quòdque alius opus est, hoc tibi lusus erat.*

Propertius libro II.

*Par Aganippéa ludere docta lyra.*

Martial. lib. X. Epigr. LXIV.

*Pieridæ caneret cum fera bella rubæ.*

B S

Languida



*Languida* ] Languidam longamque  
*Belgæ* Hiemem illam experti : nam & N-  
 jo mense ferè toto glaciem, grandinem,  
 vem videre frequentem licuit. Talem f-  
 anno CIO. CCCCLIII. memorat in Chi-  
 nico Massæus.

*Qui tristem molles* ] Tristem Maro, Pigr-  
 Naso vocat, alii *duram*, alii *inertem*.

*Densis Ver pluvius* ] Virg. I. Georg.

----- *cum ruit imbriferum Ver.*

Et II. Georg.

*Vere tument terra, & genitalia semina poscunt.*

*Tum pater omnipotens facundis imbribus æther*

*Conjugis in gremium læta descendit.*

*Alibi Vdum Ver nominat.*

*Autumnus morbis* ] Autumnus morbis i-  
 famis. Causa apud Hippocratem in Aph-  
 rismis lib. III. Aphor. IX. & XXI. duplex  
 quia inæquales tum dies, calidi, frigidi; qu-  
 inæqualitas maximè nociva, ut tradit Ce-  
 sus lib. I. c. III. Ovid.

*Cum modò frigoribus premimur, modò solvimur*

*Ære non certo tempore languor habet.* (æst)

*Alibi inæquales Autumnos idem vocat. Al-*

*causa, quia tunc corpora xanx xupia & ma-*  
*lis humoribus obnoxia. Iuvenalis Sat. I.*

----- *jam latifero cedente pruinis*

*Autumno.*

*Hora*



Horat. lib. II. Ode XIV.

*Ausirâ per Autumnos nocentem  
Corporibus metuemus Ausirum.*


Idem lib. II. Sat. VI.

*Autumnusque gravis, libitina quæstus acerba.*

Quò spectat elegans Suetonii locus, Nero-  
e cap. XXXIX. ait enim, unius autumnii  
estilentia triginta funera millia in ratione  
bitinæ venisse.

*Solis iter varium* ] Faciunt loco huic illu-  
trando Claudiani illa:

*Sol qui flammiferis mundum complexus habentia  
volvis inexhausto redeuntia sæcula motu.*



HIEMANTE CÆLO.

Et



Et Senecæ in Oedipo:

*Tūque ô sereni maximum mundi decus,  
Bis sena cursu signa qui vario regis,  
Qui tarda celeri secula evoluis rotâ.*

Ejusmodi apud Poëtas passim obvia.

Nunc puer intonsus ] Eleganter anni tempora  
partitur, & ætatum discrimina notantur.  
Quod enim in ætatibus observatum, idem  
ad anni etiam partes aptâ translatione traduc-  
tum. Ovid. xv. Metamor.

*Nam tener & lactens, puerique simillimus ævo  
Vere novo, tunc herba recens, &c.*

Sed & in quaque anni parte ætatis quoque  
discrimen notes. Sic primo vere dixit  
Maro, id quod Græci πῶτος & νέος ἐαρινός.  
Item πῶτος & νέος & αὐτὸς ὁ γένος, apud  
Pollucem: adulto vere Marcellinus. senescens  
autumno, idem lib. xxi. Similes locutiones  
bonæ, ac bonæ notæ scriptoribus usitate.  
Apud Horatium

----- Ver proterit Aestas  
interitura, simul  
Pomifer Autumnus fruges effuderit; & mox  
Bruma recurrit iners.

Canitiem veneror ] Cana Hiems, aptū & fa-  
miliare Hiemi epitheton. Virg. iii. Geo.

----- Horrida cano  
Bruma gelu.





*Tantum frugifera tres sunt e partibus anni,  
Quarta nihil potuit gignere praesentio.*

Sic



Sic senescere Hiemem dixit in Catalectis Virgilianis Vitalis. Pulchrè Naso:

*Inde senilis Hiems tremulo venit horrida passu,  
Aut spoliata suos, aut quos habet alba capillos,*

Sed & ætati hiemem suam Latini tribunt. Plautus Trinummio Actu II. Sc. I I  
*Sua senectuti is acriorem hiemem parat. Exemplum  
Eratosthenis, qui senectutem vitæ hieme  
dicere solebat.*

*Pax anni, unde olim Pacalia } Ovidius:  
Tura sacerdotes Pacalibus addite flammis,*

*Almaq; perfusa victima fronte cadat.*  
Pacalia verò in honorem Pacis, cuius aram  
& statuam Augustus dedicavit, Agrippa  
perfecit. Dio lib. LIV. Celebrata fuere pro  
pridie Kal. Febr. quemadmodum indicant  
Fasti Kalendares. Hinc Ovidius:

*Ipsam nos carmen deduxit Pacis ad aram.*

*Hæc erit à mensis fine secunda dies.*

*Temporis auspicium } Ianus apud Ovidium  
I. Fast. v. 163.*

*Bruma novi prima est, veterisque novissima Solis,*

*Principium capiunt Phœbus & annus idem.*

*Et suspendit aratrum } Ovid. I. Fast. v. 665*

*Rusticus emeritum palo suspendit aratrum,*

*Omne reformidat frigore vulnus humus.*

*Villæ da requiem terræ, semente peractâ,*

D.



Da requiem, terram qui coluere viris.

us agat festum.

est lata & genialis Hiems ] Virg. i. Geor.

genitalis Hiems, curasque resolvit.

hic Liberæ antiquitus ascripta erat Hi-

is. Liberam autem Deam Romani cum

Libero consecrarunt. Ex Cerere

Liberos Liberum & Liberam Cicero affirmat.

videndus Pighius in explicatione Toreu-

antis argentei, De quatuor anni partibus.



BRVMÆ TYPVS.

June



*Tunc suave aucupium Faunus ] Faunus e  
agrestium Deorum (quales Panes, Silvan  
Satyri, Sileni) genere, de quo Horat. II  
Od. xviii.*

*Suavesque Diana suggerit insidias ] Optim  
in Hieme & per nives venatio. Virg. I. G  
orgicorum:*

*Tunc gruibus pedicas & retia ponere cervis,  
Auritosque sequi lepores: tum figere damas  
Stupea torquentem Balaris verbera funda,  
Cum nix alta jacer, glaciem cum flumina truden*  
Horat. lib. I. Serm. II.

----- leporem venator ut altâ  
& nive sectatur.

Et lib. I. Od. xxxvii.

----- accipiter velut  
*Molles columbas, aut leporem citius  
Venator in campis nivalis  
Aemonie.*

*Diana verò venatrix credita, ac venationi  
dea. Ovid. Epist. IV.*

*Quid juvat incincta studia exercere Dianæ  
Et Metamorph. IV.*

*Per iuga, per silvas, dumosaque saxa vagatur  
Nuda genu, vestem ritu succincta Diana,  
Hortaturque canes.*

*Hæc & spicula eidem tribuit Flaccus*  
lib. III



Od. III. Od. XXVIII.

----- *celeris spicula Cynthia.*

Varia à venationis studio nomina inven-  
at; dicta Græcis κυνηγέτης, θηροκτόν, ἑλα-  
φόλ, ἢ ὄρεσίφοιτ, id est, *venatrix, fera-*  
*interfectrix, cervorum jaculatrix & monti-*  
*aga.* Oppiano in Cynogetico, aliisque, ἰο-  
έαιρα, id est, τοξοφόρος, ἢ ἰὸς ἔχουσα, ἢ βέ-  
τεσι χαίρουσα. auctor Hesichius. Denique  
canes ad venandum *Dianæ* sacri. Vnde tur-  
di *Diania* Ovidio. Et Appuleius II. Metam.  
*Diana* simulacro canes jungit: *Lapis Parus in*  
*Dianam factus, tenet libratam totius loci medieta-*  
*tem, signum perfectè luculentum, veste reflatum,*  
*procursu vegetum, intrò euntibus obvium.* Canes  
utrimque secus deæ latera muniunt: qui canes &  
si lapis erant. Vide Gratium de Venatione,  
& Claudianum de Laudibus Stiliconis li-  
bro III. v. 261.

& canis prælia ruris ] Canis montes, apud Virg.  
Georg. Suprà sic: *Canitiem veneror.* Ne-  
mesianus in Cynegetico venationes *securi*  
*prælia ruris* nominat.

*Tunc sapit & piscis, &c.* ] Ovid. III. Trist.  
Eleg. x.

*Vidimus in glacie pisces hæere ligatos,*  
*Sed pars ex illis tum quoque viva fuit.*

C

Tunc



*Tunc iuvat exstructâ ] Virg. i. Georg.  
Frigoribus parto agricola plerumque fruuntur,  
Mutuâque inter se lati convivia curant.  
Invitat genialis Hiems.*

*Effuso Agnalia circo ] De his Naso lib. i.  
Fast. v. 327. & in nomen inquit: quod  
vel ab agendo, unde*

*----- festum priscis Agnalia dictum,  
Vna sit ut proprio littera dempta loco.*

*Vel veriùs ἀγών & ἀγωνίας, quod  
certamen & luctam significat. Ovid.*

*Eas etiam, fieri solitis ætate priorum*

*Nomina de Ludis Græca tulisse diem.*

*Et prius antiquus dicebat Agonia sermo:*

*Verâque iudicio est ultima causa meo.*

*Plura etiam Festus, Celebrata v. Eidus  
Ianuarias.*

*Saturnique dies ] Saturnalia, quibus à Sa-  
turno nomen; à Iano origo, ut ex Horo at-  
que Hygino tradit Macrobius, Saturnali-  
um scriptor, lib. i. cap. vii. De die quo ce-  
lebrare solita, idem suggeret cap. x. Apud  
maiores nostros, inquit, Saturnalia die uno finie-  
bantur, qui erat ad quartum decimam Calendas  
Ianuarias. Sed postquam C. Cæsar huic mensi du-  
os addidit dies, sexto decimo cæpta celebrari. Ha-  
bes diem. An verò unus is tantum, plu-  
resve*



ve Saturnalibus dati? Apud veteres opinio fuit septem diebus peragi Saturnalia. Illi per triduum dies hosce festos institutos prodiderunt. Vnum verò diem tantum iisdem tribuunt alii, ad decimanum quartum Calendās Ianuarias. Varietas omnis ex adjectis à Cesare mensi huic diebus. Quo factum, ut trium dierum ferias Saturnalibus edicto suo addixerit Augustus, a decimo sexto igitur cœpta in xiiii. desinunt, quo solo fieri antè consueverant.

*Et lauta Charistia*] Valerius Maximus lib. II. Convivium etiam solemne majores instituerunt, adque Charistia appellaverunt, cui præter cognatos & affines nemo interponebatur. Ovid. in Fast. Proxima cognati dixere Charistia patres,

*Et venit ad socios turba novena deos.*  
Græci εἰλαπίνῳ convivium illud vocant. Vnde εἰλαπινᾱς, id est, Συμπότης, Συδωχῆτης, ὁμοτέαπεζος, apud Hesychium.

*Fortunatasque Calendas*] Ianuarias innuit. Ovid. I. Fast. ad Ianum:

*At cur laeta tuis dicuntur verba Calendis,  
Et damus alternas accipimusque preces?*  
Tunc Deus incumbens baculo, quem dextra gerebat,  
Omnia principiis, inquit, inesse solent.

*Frigida sedulitas*] non quæ algere animos



ac languere faciat, sed quæ gnavos gnârôs  
que reddat: qui à frigore atque Hieme, si  
temperata, vires capiunt. *Frigida* ergò *sedu-*  
*litas*, non quæ talis; sed quæ in hieme ani-  
mos occupat atque excitat, & teporem ab  
æstu contractum discutit.

*Permessidos unda.* ] *Permessis* sive *Permes-*  
*sus*, Bootiæ fluvius, Musis & Phæbo sacer  
ex Helicone ortum habet.

*Gugerni* ] *Geldri*. Vulgò *Sugambri* pro iis  
habiti.

*Et ille suo Phæbo* ] *Phæbus*, quasi  $\Phi\acute{\omega}\varsigma$ , *lucis*  
*vita*. Creditur Medicinæ repertor. De Me-  
dicinæ ergò Professoribus hic locus est, qui  
apud nos vini.

*Hos fidus sequitur* ] *Matheseos* Doctor  
*Radius* hîc Geometrica virga est, quâ & ter-  
*ra* & cœli, aërisve spatia metiri illi solent.  
*Virg. Ecl. 111.*

*Descriptis radio totum qui gentibus orbem.*

*Ad Sophia tandem* ] *Philosophos* innuit,  
qui *Magisterii*, ut vocant, titulum ferre so-  
lent, dum frigus est.

*Sed cum ferventi mortales Sirius igne* ] *Sirius*  
cùm pro stella ipsa, tum pro sole usurpatur.

*Hesych.*  $\Sigma\acute{\iota}\rho\iota\varsigma$  ὁ ἥλιος, ἢ ὁ κυνὸς ἀστὴρ.

*Nomen illi vel δὲ σείρεν, iive τὸ σείρεν,*

quod



quod lucere & siccare notat. Vide Hadria-  
 lunium lib. i. Animad. cap. v.

*Sunt pulvinaria plura* ] *Pulvinaria* lectuli  
 diis sacri, sterni soliti, quoties supplicatio  
 decreta iis esset. *Lectisternium* eadem notio-  
 ne usurpatum. D. August. libro iiii. de  
 Civit. Dei. Livius: *Curatum Lectisternium, &*  
*per triduum habitum Decemviris sacrorum curan-*  
*tibus, & pulvinaria in conspectu fuere Iovi & lu-*  
*moni, alterum Neptuno & Minerva, tertium Mar-*  
*ti & Veneri, quartum Apollini & Diana, quin-*  
*tum Vulcano ac Vesta, sextum Mercurio & Cereri.*  
 Appuleius lib. i v. *Sacra Dea proferuntur, tem-*  
*pla deformantur, pulvinaria proferuntur, carimo-*  
*nia negliguntur.*

*Iurgia solliciti adde fori* ] *Pulcrè sollicitum*  
 vocat forum, quia sollicitos eos habet, qui  
 litibus irretiti in eo versantur. Pari elegan-  
 tiâ *insanum* vocat Maro; *litigiosum & verbo-*  
*sum* Naso. iiii. Fast. Eleg. vii.

*Cadunt verbosi garrula verba fori.*  
 In eam rem scitè Auctor noster addit,

----- *rabidâque incendit prælia lite.*

*Et fœdam exhalat calfacta mephitis.* ] Virgi.  
 vii. Æneid.

----- *sevâmq; exhalat opaca mephitim. Me-*  
*phitis terræ putor est, ex aquis maximè sul-*

C 3 phureis



phureis proveniens. Alii Deum esse volunt  
Deam alii. Vide Servium in Virgil.

*Frigore stat magnus ] parvus mundus mixto.*  
*ῥέου. Gr. id est, homo.*

*Frigore stant fluvii ] Horat. lib. i. Od. ix.*  
*Vide ut altâ stet nive candidum*  
*Soraete. ----- gelique*

*Flumina consiterint acuto.*

Avienus Fab. xxix.

*Horrida congestis cum staret bruma pruinis.*

*Sed postquam induxit unda ] Hilarius in*  
*Catal. Virgil.*

*Duruit ut ventis unda, fit apta rotis,*

*Celerem modò passa carinam ] Basilii in ca-*  
*talectis Virgil.*

*Unda rotam patitur, celerem modò passa carinam.*

*In glaciem solidam versus ut amnis abit.*

Virg. iii. Georg.

*Concrescunt subita currenti in flumine crista*

*Undaque jam tergo ferratos sustinet orbes,*

*Puppibus illa prius patulis, nunc hospita plaustris.*

Ovid. iii. Trist. Eleg. x.

*Quaque rates ierant, pedibus nunc itur, et undas*

*Frigore concretas ungula pulsat equi.*

*Perque novos pontes subterlabentibus undis*

*Ducunt Sarmatici barbara plaustra boves.*

*Aeterno damnata gelu, ] Alpes ac Pyrenæ-*

os iii.



os intelligo mōtes. Illic Italiæ termini, perpetuis ferè albescent nivibus. atque hinc fortè illis nomen. Pyrenæi montes Hispaniam dividunt, & ἀπὸ τῆς πυρὸς, nomen habent, quòd crebri in iis fulminum ignes.

*Arderet cælum* ] Paraphrasin locutionis hujus habet Manilius lib. v. in fine:

*Ipse suas æther flammæ sufferre nequiret,  
Totus & accenso mundus flaglaret Olympo.*

*Iupiter est gelidus.* ] *Frigus* Iupiter, si pro aëre sumas. Horat. lib. i.

----- *manet sub love frigido*

*Venator.*

Aliàs & *calidus*, si pro æthere cum Physicis accipias.

*Sic quoties celeri* ] Quî *fulmen* & *fulgur* differant, Philosophi docent. Generationis atque originis eadem ferè in utroque causa, puta exhalatio calida & sicca, quæ elevata sursum ac vapor frigido inclusa constrictaque, vi viam quærit, & fragorem excitat.

*Sol quoque tunc propior* ] Adeundi, & audiendi sunt Astronomi.

*Sed strata funera silva dissolv. hiemē* ] Elegās locutio, fortè è Martialis illo lib. i. Epig. i. *Vicina in ipsum silva descendit focum.*



*Et parvo ferri Vulcanus ] Hypocaustum*  
*describitur; cuiusmodi juxta Bibliothecam*  
*suam Auctor construi curavit, & in qua*  
*Brumam hanc scripsit.*



*Quando suis agros perfundit aquarius vnnis*  
*Perfundis dulci, BACCHE, hypocausta mero.*

*Crystalla*



*Crystalla gelantur* ] Statius Papin. lib. i.  
Sil. in Epithal. stellæ v. 129.

*Parâque longævis nivibus crystalla gelari.*

*Crystallum* enim glaciem esse certum est.

Græce & græcum illi nomen, ὡς τὸ σέλλε-  
ον ὅς ἐστι τὸ κρύσταλλον. Nec alibi reperitur, quàm  
in ibi maximè hibernæ nives rigent. Ita Plin.  
xx. lib. xxxvii. cap. ii. Paria tradit Isidorus  
xx. lib. xvi. Orig. c. xiii.

*velut aurea Flora est* ] *Florum Dea*, à qua  
*Floralia* festa, Gr. ἀνθεσία. Florere verò de  
cœlo ac stella dicunt Græci ac Latini. Ele-  
gâter quoq; *florere lumina* Lucretius lib. iv.  
Bina lucernarum florentia lumina flammis.

Virg. propriè *stellare* vii. *Æneid.*

----- *stellantis regia celi.*

Plin. *stellantem bullis frontem* appellavit. Pul-  
cer Lactantii locus est. lib. vi. De vero cul-  
tu. Ajunt enim multo esse præclarius, & homine  
dignius, celum potius, quàm calata intueri, &  
hoc pulcherrimum opus intermicantibus astrorum  
luminibus, tanquam floribus adornatum, quàm  
picta, & ficta, & gemmis distincta mirari. Simi-  
lis Basilii locutio: Ἀπέλας δὲ ἔργον τῶν  
ἀστέρων τὰ ἀνθ.

*Claudit hiems pelagum* ] Virg. ii. Georg.

*Rura gelu jam claudit hiems.*

C 5 Manil.



Manilius lib. III.

*Tunc riget omnis ager, clausum mare, cōdita castra.*  
*Clauditur verò navigantibus mare, idque*  
*ex die III. Eid. Novemb. usque ad diem*  
*VI. Eid. Martii; ut scribit Vegetius lib. IV.*  
*De re militari. Habet ergò & mare suam*  
*brumam. Horat. lib. II. Serm. 2. Hiema*  
*mare:*

*Atrium defendens pisces hiemat mare.*

*Aperitur mare, solutâ hieme. Horat. I.*  
*Ode IV.*

*Solvitur acris hiems gratâ vice veris & favori:*

*Trahuntque siccæ machinæ carinas.*

*Plinius: Ver aperit navigantibus maria, cuius in*  
*principio Favonii Hibernum molliunt cælum, &c.*

*Nullâmq; timemus in pelago brumam.] Au-*  
*da certè hodie nautarum illud genus, qui-*  
*bus in mari justitium nullum est. Sed nec*  
*apud priscos defuere, qui hieme navem*  
*in mari crederent. Sophocles Antig. Actu 2.*

Τῷ τοῦ καὶ πολὺ πέρων

Πόντος χειμεριῶ νότῳ

Χωρεῖ πλεῖστοις

Πτερόντων οἰδμασι.

*Ille (homo) canas æquoris undas*

*Obruentibus ratem*

*Fluctibus, transire aquas, dum*

*Sevit*



*Savit notis hiems protervis.*

*Nimbosus turbet Orion.* ] Virg. i. *Æneid.*

*um subito insurgens fluctu nimbosus Orion*

*In vada ceca tulit.*

*Orion, Catullo Orion, inter tristia sidera, ad*

*occasum spectat, tempestatemque ciet.*

*dorat. Epod. xv. nautis infestus Orion. Vide*

*ulinium lib. xviii. c. 28.*

*Frigore tum multo* ] Nihil hodie in aulis

*titatus. Nec priscis id ignotum, nive aut*

*lacie temperari ac frangi vini vim. Misce-*

*ant frigidam, interdum calidam, ne vini*

*calor frigusque noceret. Iuvenalis:*

*quando vocatus adest calida gelidaque minister.*

*Glacięque pigrum* ] Iulianus in *Catalectis*

*Virgil.*

*Pigrior ut cano constitit unda gelu.*

*Lucanus lib. iv.*

*Pigro bruma gelu, siccis que Aquilonibus hærens,*

*Idem lib. v.*

*Tandem bruma nivem refert, pigrumque rigorem*

*Reddit Hiems.*

*Tibullus lib. i.*

*Non mihi pigra nocent hibernæ frigora noctis.*

*E spuma Venus est.* ] In fabulis est, Vene-

*rem è maris spuma natam. Hinc Græcis*

*ἠφρογένεια, ἠφρογενής & ἠφροδίτη, Ἀφ' τῆς*



τῇ Ἀφροδίτῃ γέγνηται. Et *Aphrodisia* festa, apud  
Plautum in *Pœnulo*. Ovid. iv. *Fastorum*

*Sed Veneris mensē Grajo sermone notatum*

*Auguror, à spumis est dea dicta maris.*

*Nec tibi sit mirum Græcorum nomine dici:*

*Itala nam tellus Græcia major erat.*

Et iv. *Metam.*

*Si tamen in medio quondam concreta profundo*

*Spuma fui, gratumque manet mihi nomen ab illa*

*Pulchrè Auctor Pervigilii Veneris,*

---- *cruore de superno, ac spumeo pontis*

*è glorio \**

\* \* \*

*Aëris & cæli nix spuma est. ] Aquæ pulve-*  
*rem Simphosius vocat Ænigm. xxi.*

*Pulvis aquæ tenuis modico cum pulvere lapsus.*

*In alnum telluris gremium ] Lucret. lib. i.*

*Postremò percussant imbres, ubi eos pater ather*

*In gremium matris terræ præcipitavit.*

*Auctor Pervigilii Veneris.*

----- *totis crearet vernis annum nubibus*

*In sinum matris imber fluxit alma coniugis.*

*Ludunt ingenium facili form. ] Id istâ hie-*  
*me anni clō lo c xv. Bruxellæ videre licu-*  
*it non sine admiratione & stupore multo-*  
*rum, quia pictores sculptorésque etiam co-*  
*lores addiderant.*

Hos



*Hos juvat Oebalii disci* ] Ovid. III. Trist.  
leg. 12.

*usus equis nunc est, levibus nunc luditur armis,  
Nunc pila, nunc celeri vertitur orbe trochus.*

Propert. lib. III.

*Missile nunc disci pondus in orbe rotat.*

Martialis lib. XIV.

*plendida cum volitent Spartani pondera disci,*

*Este procul pueri, sit semel ille nocens.*

De Hiacynto loquitur, qui disci jactu ab  
Apolline interfectus est, de quo Naso x.  
Metamorph.

*Hi cursu insolito* ] Pulcrè hîc depingitur

calopedium illud ferratum, quo dexteri-  
tate & celeritate mira per glaciem feruntur.

Belgis nostris frequens huius est usus, qui  
*scærtzen* nominant, alii *schaverdynen*, qui-  
dam *schrick schoen*, an non à Scriclandia?

Latinis certum nomen non est, quo id ex-  
primant, quia Romanis incognitum fuit.

fortè à septentrione ad nos venit: nam &  
apud loci illius incolas usum illius esse O-

laus Magnus auctor est. Noster *Baxeam* vo-  
cat, quæ vox Plauto & Appuleio usurpata.

Liceat & *soleam ferratam* nominare. De *sole-*  
*is* vidēdus Gellius lib. XIII. Noctium cap.

xx. Est verò *Baxea*, calceus ligneus, ex co-

rum



rum genere, queis Philosophi prisci usi: Caelones Festo. Apuleius lib. 11. Metam. Iuvenerem quempiam amiculo intectum, pedesque palamis baxeis indutum. Lib. XII. Nec qui palli baculoque & baxeis, & hircino barbicio Philosophum fingeret. In Floridis: Vestem de texternemere, baxeas istas de suterna præstinare. Plautus Menach. Sc. Sine fores:

---- Quis is est peniculus, qui extergentur baxeas

Cæterum de crepidis illis sive calopodiis elegans elegantissimi Gratii distichon est:

*Quæ Batavum miratur hiems sola ferrea cernis*

*His per aquas nec aquas ire nec ire licet.*

Pulcre verò ad Ioan. Secundum fratrem, in Hispania degentem, de iisdem lusit Hadrianus Marius I. C. quem & audire hinc libet:

*Nunquid ubi aspecta est dubium te littera fecit  
Picta manu trepidante, & curvo limite scandens*

*An vel sic quoque nota tui tibi dextera fratris,*

*Vnanimi fratris; sine te qui vivere posset,*

*Ni semper primis tecum vixisset ab annis.*

*Si qua tamen dubio faller te littera ductu,*

*Non ea signa puta finiti morte doloris;*

*Frigoris esse puta, cursum hic quoque flumina sistunt,*

*Et liquor in calamo, dum scribimus ista, gelatur,*

*Ne dum perdurent digiti, officiūque faceffant.*

Nota



Tota tibi refero, nisi nunc praesentia mentem  
abducunt memorē, & patriam de corde revellunt.

Metamen interea nec acuti spiritus Euri  
cludat tecto, aut Borea penetrabile frigus  
ogat ad exstructas lentum torpescere flammās.  
Non urbs contineat; libet ire, & quærere circum,  
ut baculo tentare, aut saxo cominus acto  
rigore concretos annies, & ponere gressus  
crystallo super instabiles, cum si qua ferendo  
inda homini durata satis, nec grandine scabra,  
Nec nivibus corrupta, nitet tranquillus uti fons,  
Aut veluti speculum formosa laeve puella  
Quod pendens aptè ad lucem, thalamiq; fenestram  
Arguit incompertos & ponit lege capillos:

Expedio crepidas, ligno ferroque rigentes  
Ancipiti ferro, quo durum inscribimus aequor,  
Subjicióque pedi, & circum constricta supràque  
vincta ligo, ne planta aliquo laxata vacillet,  
Neu qua deflectant crepidæ, taliumque relinquunt,  
Inde, velut tensum quis inambulat arte rudentem,  
Cui premitur pronâ subjecta novacula plantâ;  
Sic gressus tenui nixos mucrine movemus,  
Diversosq; pedes nunc hunc, nunc tendimus illum,  
In latus, & trahimus longi vestigia ductu,  
Alternasque notas alterno iungimus ense.  
Ast, ubi collectæ vires, imnota tenentes  
Crura pedesque ambos, per onguum labimur aequor.

Quam



Quam non præcipientes biyugo certamine currus.  
 Qualis ab excelsa testudine Chaonis ales  
 Rura petens, plauditque alis, & verberat auras,  
 Dein liquidum tacitis perlabitur aëra pennis.  
 Quin etiam seu stare libet, gressumve referre  
 Unde abitum, talos facili simul arte locamus,  
 Diversosque pedum digitos, versique repente,  
 Cum strepitu, latum per marmora ducimus orbem  
 Immenso velut in pelago deprensa carina  
 Vertitur ad clavi nixum; tum limite longo  
 Circulus apparet circum spumantibus undis.  
 Nec solis ars nota viris; ars nota puellis  
 Hac etiam, junctique volant per marmor amantes  
 Aut si quæ teneros ignorant ducere gressus  
 Insistunt latis soleis, binosque prementes  
 Sub pede mucrones, juvenis currentis in ulnis  
 Immotæ stantes vertuntur, & æquora tranant.  
 Ipse amor in medio fertur, tadamque coruscat,  
 Quæq; volat mentesq; hominum colliquat, & æquor  
 Sæpe aliquis juvenum glacie (quis credat) in ipsa  
 Inventos, abiens secum tulit inscius ignes,  
 Quos non bruma rigens nivibus sopire gelique  
 Possit, nec vastis extinguere Tethys in undis.  
 Sunt etiam Nymphas qui se vidisse per umbram  
 Ad Lunæ radios certantes flumine clauso  
 Sic memorent, cursu plicidos imitante natatus,  
 Hæcque olim Batavis antem monstrasse colonis.

Vnde




Unde etiam Crepidis nomen regionis adhæsit,  
Rarâque jam Batavos ignorat terra cothurnos  
Quos plana exercet per aquosas Flandria valles,  
Et fecunda Brabantiacæ per flumina gentes,  
Cimbrique, Morinque & gens infrena Sicambri.  
Et quoscunque premunt glacialis sidera plaustris.  
Fortè puer patrio & quondam sic lussit in Hebro,  
Cujus suavidico celebravit carmine fatum  
Ingenio duris que potens Germanicus armis.  
Nam quis tam rapidum credat decurrere flumen  
Illapsum, ut tantis impingat viribus ullum  
In glaciem, adversam caput ut cervice revellat;  
Ipse nisi ingenti impulsus sese objiciat vi.  
Illum igitur quoque sic ut nos lussisse putarim,  
Et summis rapide connixum viribus isse  
Prævertentem emissam arcu perinanè sagittam.  
Cum subito glacie ruptâ subsidit, & actus  
Impete in oppositam nudato gutture testam  
Dividitur; partes fluvius celer abstulit imas,  
Prolapsûmque caput glabro super æquore longè  
Purpureum calido duxit de sanguine sulcum.  
Infelix puer, & nimium temerarie, quænam  
Te festinantem tenuit tam dira cupido,  
Vt fluvio non sat durato insistere velles  
Neu potius mallet non altâ ludere fossâ,  
Aut prato, exigua flumen quod texerat undâ  
Exundans, facili que gelu duraverat aurâ?



Tu dabis exemplum nobis, audacia quanti  
 Constet, & ut maneat timidos longaeva senectus.  
 Sed quò diversum pueri miserabile fatum  
 Me rapuit, Germane, diemque educere fecit?  
 Ergò ubi nox grato iussit desistere ludo,  
 Sole cadente domum calidi, brumæq; malignæ  
 Ignari petimus; tum verò tendere gressus  
 Nequicquam lentos, & proreptare videmur,  
 Qualiter in somnis vari molimine cursus  
 Nitentem frustra exercent, genibusque labantem,  
 Quærentemque suo notas in corpore vires.  
 Hos ego te lusus patrios, germane, videre  
 Paullisper volui, & patriæ meminisse per illos  
 Ignotos istic lusus, ubi frigida nunquam  
 Stringit hiems undas, ubi semper Citrins auro  
 Seat gravis, Herculeâ quondam sata semina dextrâ  
 Hesperidum è silvis occiso rapta dracone.

Baxeæ Batavicæ formam ne quis deside-  
 raret, hic expressimus; ut magis instrumen-  
 ti huius usum Lector miraretur.





HIS FLUMINA CALCANTVR.

*Per marmoreos pede campos* } Ovidius xii.  
 Trist. Eleg. x.

*Terræque marmoreo est candida facta gelu.*  
 Iterum:

*Conclusæq; gelu stabunt ut marmore puppes.*

*Talia Atlantiades* } Mercurius Atlantis  
 pæpos, Deorum præco atque interpres.  
 Horat. i. Od. x.

*Te canam magni Iovis & deorum*

*Nuncium.*

*Hinc celer Horatio; velox, agilis, Deus ales,*  
 D 2 Ovid.



## Ovidio

----- *concretum acies arat aquor.*

Ovid. 1. Trist. Eleg. 11.

*Latum, mutandis mercibus. aquor ara.*

*Curvis pars magna feruntur linteribus* ] *Linter*  
 inter fluviatiles naves est, à qua *Linterarii*  
 Vlpiano l. 1. D. Nautæ, cauponarii, &c. Fie  
 solâ excavatione arborum. Virg. 11. Geor.

----- *cavat arbore linteres.*

Atque hinc Plinio lib. v 1. *monoxile linteres*,  
 Auctor linterem pro parva & puerili accipit  
 traha, ferro suppecta, cujus in glacie usus  
 est. Forma talis esse solet.



SIC HIEME NAVIGATUR.



*Sunt Albi, Prasini* ] In Circo factiones  
 erant agitatorum bigariorum, ac quadri-  
 gariorum (ita appellati, qui bigas ac qua-  
 drigas circum Circi metas agitabant) qui-  
 bus à vestium coloribus nomen. Erant eæ  
 initio *Alba*, Hiemi ob nives candidas; *Ru-  
 bea*, Æstati, ob solis ruborem, sacra. Acces-  
 sere dein *Prasina*, terræ matri vel Veri; *Vene-  
 ta*, cœlo & mari vel auctumno, devota. Ex  
 Tertull. lib. de spectac. c. ix. *Prasinus*, color  
 viridis, unde *Prasina factio*, de qua Iuvenalis  
 Sat. xi.

*Tutam hodie Romam Circus capit, et fragor aurem  
 Percutit, eventus viridis quo colligo panni.*

Vide Sueton. Caio, c. lv. Nerone c. 28.  
 Dionem in Commodò, Caracalla & Ela-  
 gabalo: hi enim factione illa mirè dele-  
 ctati. *Venetus* color cæruleus. hinc *vestis ve-  
 neta* Vegetio lib. iv. de re militari, Deditus  
 factioni huic Vitellius, Sueton. ejus vita,  
 c. xiv. Mirum, quanta contentione & in-  
 sania factiones illæ agitarentur: atque ex iis  
 frequentes rixæ, sæpè etiam cædes ortæ.  
 Refert Zonaras regnante Constantinopo-  
 li Iustiniano Imp. tantam ibi ex factionibus  
 Prasina ac Veneta ortam seditionem, ut  
 quadringenta ferè hominum millia cecide-



54 ANDREÆ VALERII NOTÆ.  
rint. Vide Plinium lib. vii. cap. liii. Au-  
sonium Edil. xiii. & Suidam in *ἡρώων*.  
*Pector Nepheleidos Helles* ] Helle Athaman-  
tis & Nepheles filia. Nomen dedit Helles-  
ponto, quod fretum Europam ab Asia dis-  
criminat. Vide Ovid.

----- *malè vecta virginis undæ.*  
Propius facit ejusdem iii. Trist. El. xii.  
*Impositamque sibi qui non bene perculit Hellen*  
*Tempora nocturnis aqua diurna facit.*

F I N I S.



MONACHII,  
Ex formis Annæ Bergiæ viduæ.



*Cum gratia et privilegio Sacræ Cesar. Maiest.*


Apud Raphaëlem Sadelerum Iconogra-  
phum Ducalem venalis.

ANNO MDCXIX.


























ps

c. 710